

## Ryklama piwa

Tak po prôwdzie to sie ino starô Jôndercynô raduje. Jeji pies sie cinyngiy gawcy we telewizyjor i beztôż durch sêpie piwo. Pewnikiy terôzki, kiej niy uwidzi „tyskie ponad wszyskie” abo „po godzinach LECH”, to na isto zacnie sêpać woda abo mlyko. I sam mi sie spómniôł taki fal. U Pyjtra we knajpie spiyrali sie festnie Jólzel z Bercikiym, kiere piwo jes lepszejsze: jasne abo ćmawe? Na to wlôz Hajnel i po jakisik kwilce pado:

– Dejcie mi pierôny pokój ze ćmawym piwym. Kiejech jô ci we lónski pyndziałek wyslepôł dwanôście zajdli światłygo piwa, to mi nic niy bóło. A kiej mie ino tyn dzioboł, tyn diosek pokusiôł i wyduldôłech na to śtyry szopy ćmawego piwa, to zarôzki zech napocznôł sfrocać i do rana zech sie rady niy wiedziôł !

I tak po mojymu, to zawdy jes lepsze piwo (možno i ze cyjntlóm) niżli klachy mojjij staryj ze sómsiôdkóma na siyni abo u Pióntcynyj w mangli. Ino, iże ze wszyskim trza mieć miara. Moja Elza – tak cum bajszipil – to nikandy niy wiy cy jô co wyslepôł podwiyl niy napoczynóm mojigo basztarda ucyć pić ze flaszki abo naszô kukówka ze buksioka niy ucza śpiywać: „gorolu, cy ci niy żol”.

I tak wól niy wól, piwo ludzie na ryklamach niy bydóm łogłónać, a .... zółwizôł je bydóm sêpać wiela ino wlejzie.

Ojgyn z Pnioków